



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **30-1141-27/25**

Sarajevo, 07.10.2025. godine

Int. br. nabavke: **30-281-32/25**

Na osnovu člana 70. Zakona o javnim nabavkama ("Službeni glasnik BiH", broj 39/14, 59/22 i 50/24) i Preporuke iz Zapisnika broj: 30-1141-24/25 od 06.10.2025. godine, uz primjenu **otvorenog postupka**, donosim

ODLUKU
o izboru najpovoljnijeg ponuđača za javnu nabavku radova "Izvođenje
radova 7 LOT-ova.

LOT 3 - Bosna Zenica"

Obavještenje o nabavci br.: 1132-1-3-53-3-52/25

Član 1.

Kao najpovoljniji ponuđač za javnu nabavku radova **"Izvođenje radova 7 LOT-ova. LOT 3 - Bosna Zenica"** bira se **KONZORCIJ ŠPIC BETON d.o.o. Zenica i MIBRAL d.o.o. SARAJEVO**, za ponuđenu cijenu **1.366.000,00 KM bez PDV-a**, odnosno **1.598.220,00 KM sa PDV-om**.

Član 2.

KONZORCIJU ŠPIC BETON d.o.o. Zenica i MIBRAL d.o.o. SARAJEVO će se dodjeliti prijedlog ugovora za javnu nabavku iz člana 1. ove Odluke nakon što svi ponuđači budu obaviješteni o izboru najpovoljnije ponude.

Član 3.

Za izvršenje ove odluke zadužuje se **Sektor za realizaciju projekata** Agencije za vodno područje rijeke Save, Sarajevo.

Član 4.

Sredstva za zaključenje ovog ugovora će se koristiti iz Plana i Finansijskog plana Agencije za 2025. godinu, ekonomski kod B.2.2.2. + C.2.2. ; B.2.2.11. + C.2.5. ; C.2.6. ; C.2.7. ; C.2.9. ; C.2.19. ; C.2.29., stavka Plana 6148192222 + 614819322 ; 61481922211+ 614819325 ; 614819326 ; 614819327 ; 614819329 ; 6148193219 ; 6148193229.

Član 5.

Ova odluka će se objaviti na web-stranici www.voda.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 30- 1141-3/25 od 19.08.2025. godine. Javna nabavka je provedena putem otvorenog postupka. Procijenjena vrijednost nabavke bez PDV-a je 3.769.190,00 KM. Obavještenje o nabavci broj: 1132-1-3-53-3-52/25 je poslato na objavu i objavljeno na portalu javnih nabavki dana 21.08.2025. godine.

Sa web portala "e-Nabavke" www.ejn.gov.ba tendersku dokumentaciju su preuzeli sljedeći ponuđači:

1. UDRUŽENJE "MAJKA I DIJETE-BOMBON"
2. MK ALU PLAST
3. B2 D.O.O.
4. HL GRADNJA
5. OBRT "BOTONJIĆ"
6. DEMUS DOO SARAJEVO
7. HS BAUKOP DOO
8. PULMONT DOO ZENICA
9. OMAZIĆ D.O.O.
10. DOO "HAVIĆ GP" BIHAĆ
11. SIGMA KOMERC D.O.O.
12. GANIC DOO
13. BBS EUROPE
14. TED INVEST
15. ŠPICBETON D.O.O. ZENICA
16. STRUKTURA D.O.O.
17. VODOPRIVREDA "POSAVINA" D.O.O
18. GRADNJA-1 TEŠANJ D.O.O.
19. MUKIĆ-KOMERC D.O.O. JAJCE

20. HOLEX D.O.O.
21. DEN ALM COMPANY D.O.O. LUKAVAC
22. GRIMIG D.O.O.
23. EKAPIJA DOO
24. TENDERI DOO
25. "TERMO-BETON" D.O.O.
26. IG POKVIĆ D.O.O.
27. IZGRADNJA TOJAGA D.O.O. MOSTAR
28. CONTROLMATIK BH DOO SARAJEVO
29. DOO HRNČIĆ KOP
30. EKO-EURO TIM D.O.O.
31. DIVEL DOO
32. MG MIND D.O.O.
33. MRKONJIĆ PUTEVI
34. ALMY D.O.O. ZENICA
35. ALMY-TRANSPORT DOO
36. "DKM GRADNJA" D.O.O. MAGLAJ
37. HARYSCO DOO
38. ROADING D.O.O.
39. RADIS DOO
40. KOMGRAD-ZE D.O.O.
41. MIBRAL DOO
42. ORMAN DOO
43. BH 4 D.O.O.
44. TRGOŠPED D.O.O. KAKANJ
45. ALMY-GRADNJA DOO ZENICA

Komisija za nabavku imenovana je Rješenjem broj: 30-1141-5/25 od 22.08.2025. godine. Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

- Da je ukupan broj preuzimanja tenderske dokumentacije 45 (slovima: četrdeset pet)
- Da je ukupan broj pristiglih ponuda 4 (slovima: četiri)
- Da je ukupan broj blagovremeno zaprimljenih ponuda 4 (slovima: četiri)
- Da nema neblagovremeno zaprimljenih ponuda
- Da je ponuda 1 (slovima: jednog) ponuđača prihvatljiva
- Da su 3 (slovima: tri) ponude ocijenjene kao neprihvatljive.

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz Tenderske dokumentacije.

Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

Lot 3-Ponuda grupe ponuđača "Vodoprivreda Posavina" d.o.o. Odžak i "Roading" d.o.o. Gračanica ne ispunjava formalno-pravne uslove tražene Tenderskom dokumentacijom. Tačkom 5.4.1. a) TD je jasno zahtjevano od ponuđača uspješno iskustvo u realizaciji najmanje jednog ugovora čija su karakter i kompleksnost isti ili slični onima koje se odnose na predmetnu nabavku (uređenje, sanacija, rekonstrukcija ili izgradnja zaštitnih vodoprivrednih objekata) u predhodnih 5 (pet) godina od dana objavljivanja obavještenja o nabavci ili od datuma registracije, odnosno početka poslovanja, ako je ponuđač registriran, odnosno počeo s radom prije manje od pet godina, čija vrijednost mora biti jednaka ili veća od procjenjene vrijednosti nabavke po lotu na kojem ponuđač učestvuje.

Grupa ponuđača "Vodoprivreda Posavina" d.o.o. Odžak i "Roding" d.o.o. Gračanica je u svojoj Ponudi dostavila Potvrdu broj: 09-3-162-05/21 od 26.05.2021. godine izdatu od Federalnog ministarstva poljoprivrede, vodoprivrede i šumarstva, na radovima na sanaciji i rekonstrukciji sistema odvodnje u Općini Odžak.

Komisija za javne nabavke je mišljenja da se radovi iz dostavljene potvrde odnose na radove iz oblasti korištenja voda odnosno melioracije, dok je odredbama TD nedvosmisleno zahtjevana realizacija projekata uređenja, sanacije, rekonstrukcije ili izgradnje zaštitnih vodoprivrednih objekata.

Grupa ponuđača "Vodoprivreda Posavina" d.o.o. Odžak i "Roding" d.o.o. Gračanica je u svojoj Ponudi dostavila Potvrdu broj: 04-45-600/25-1 od 16.05.2025. godine, izdatu od Ministarstva saobraćaja i veza HNK, na radovima na interventnoj sanaciji posljedica poplava na području grada Konjica i Općine Jablanica-na mreži regionalnih cesta R-437 i R-418b. Komisija za javne nabavke je mišljenja da se radovi iz dostavljene potvrde odnose na radove iz oblasti sanacije cesta/saobraćajnica, dok je odredbama TD nedvosmisleno zahtjevana realizacija projekata uređenja, sanacije, rekonstrukcije ili izgradnje zaštitnih vodoprivrednih objekata. Dostavljene potvrde u ponudi Grupe ponuđača "Vodoprivreda Posavina" d.o.o. Odžak i "Roding" d.o.o. Gračanica (strana 42-47 Ponude) ne zadovoljavaju postavljeni zahtjev iz tačke 5.4.1. a) TD gdje je zahtjevano uspješno iskustvo u realizaciji najmanje jednog ugovora čija vrijednost mora biti jednaka ili veća od procijenjene vrijednosti nabavke po lotu na kojem ponuđač učestvuje. Obzirom da je procijenjena vrijednost za Lot 3 bila 1.367.500,00 KM, svi dostavljeni ugovori (strana 42-47 Ponude) su bili manje vrijednosti od procijenjene vrijednosti nabavke po lotu na kojem je Grupa ponuđača učestvovala.

Zbog prethodno navedenog, a u skladu sa odredbom člana 2. stav 1 alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Lot 3-Ponuda grupe ponuđača "Komgrad-Ze" d.o.o. Zenica i "Struktura" d.o.o. Jajce ne ispunjava formalno-pravne uslove tražene Tenderskom dokumentacijom. Tačkom 5.4.1. a) TD je jasno zahtjevano od ponuđača uspješno iskustvo u realizaciji najmanje jednog ugovora čija su karakter i kompleksnost isti ili slični onima koje se odnose na predmetnu nabavku (uređenje, sanacija, rekonstrukcija ili izgradnja zaštitnih vodoprivrednih objekata) u predhodnih 5 (pet) godina od dana objavljivanja obavještenja o nabavci ili od datuma registracije, odnosno početka poslovanja, ako je ponuđač registriran, odnosno počeo s radom prije manje od pet godina, čija vrijednost mora biti jednaka ili veća od procijenjene vrijednosti nabavke po lotu na kojem ponuđač učestvuje. Grupa ponuđača "Komgrad- Ze" d.o.o. Zenica i "Struktura" d.o.o. Jajce" je u svojoj Ponudi dostavila Potvrdu o uspješnoj realizaciji ugovora broj: 02-11-7-8642/23 od 21.03.2025. godine, izdatu od Općine Jajce, na radovima na uređenju korita rijeke Plive-Faza I od km 0+320,00-km 0+649,88 i izgradnja praga broj 12.

Sadržaj dostavljene Potvrde je ispravan na način da su realizovani isti ili slični radovi kao što je to zahtjevano odredbama TD. Međutim, ukupan iznos dostavljene potvrde bez uračunatog PDV-a iznosi 1.249.955,30 KM, te je stoga Komisija za javne nabavke mišljenja da se dostavljena potvrda ne može priznati kao validna referenca, obzirom da je bilo potrebno dostaviti najmanje jedan ugovor čija vrijednost mora biti jednaka ili veća od procijenjene vrijednosti nabavke po lotu na kojem ponuđač učestvuje, uz napomenu da je procijenjena vrijednost nabavke za Lot 3 bila 1.367.500,00 KM. Također, druga dostavljena Potvrda o uspješnoj realizaciji ugovora u ponudi grupe ponuđača "Komgrad-Ze" d.o.o. Zenica i "Struktura" d.o.o. Jajce je manja od procijenjene vrijednosti nabavke po lotu na kojem ponuđač učestvuje

Zbog prethodno navedenog, a u skladu sa odredbom člana 2. stav 1 alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Lot 3-Ponuda ponuđača "Termo-beton" d.o.o. Breza ne ispunjava formalno-pravne uslove tražene Tenderskom dokumentacijom. Tačkom 5.4.1. a) TD je jasno zahtjevano od ponuđača uspješno iskustvo u realizaciji najmanje jednog ugovora čija su karakter i kompleksnost isti ili slični onima koje se odnose na predmetnu nabavku (uređenje, sanacija, rekonstrukcija ili izgradnja zaštitnih vodoprivrednih objekata) u predhodnih 5 (pet) godina od dana objavljivanja obavještenja o nabavci ili od datuma registracije, odnosno početka poslovanja, ako je ponuđač registriran, odnosno počeo s radom prije manje od pet godina, čija vrijednost mora biti jednaka ili veća od procijenjene vrijednosti nabavke po lotu na kojem ponuđač učestvuje.

Ponuđač "Termo-beton" d.o.o. Breza je u svojoj Ponudi dostavio Potvrdu o izvršenim radovima broj: 238-C/2025

od 17.09.2025. godine, izdatu od "Adriatic metals BH" d.o.o., na radovima na proizvodnji, isporuci i dostavi i ugradnji betona na lokaciji VPP Tisovci, za potrebe izgradnje postrojenja za preradu rude i bazena s vodom za potrebe postrojenja te izradu i montažu konstrukcije objekta za Stockpile.

Komisija za javne nabavke je mišljenja da radovi iz dostavljene potvrde ne odgovaraju zahtjevanom iz tačke 5.4.1. a) tj da nisu isti ili slični radovi (uređenje, sanacija, rekonstrukcija ili izgradnja zaštitnih vodoprivrednih objekata).

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, neosporno je da je izabrana grupa ponuđača najbolje ocijenjena zbog najniže cijene, kako slijedi:

R. broj	PONUĐAČ	Cijena KM (bez PDV-a)
1	KONZORCIJ ŠPIC BETON d.o.o. Zenica i MIBRAL d.o.o. SARAJEVO	1.366.000,00

Na osnovu navedenog odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 11.250,00 KM (član 108. stav (1) tačka f) Zakona o javnim nabavkama).

- Akt izradio: Mirza Čutura
- Akt kontrolisao: Borislav

Dostaviti:

- Ponuđačima
- Sektor za ekonomske i pravne poslove
- Sektor za realizaciju projekata
- a/a



DIREKTOR

dr. sc. Senad Memić